

皇清文穎續編

皇清文穎續編卷四十五

賦

平定兩金川賦

任大椿

皇帝仁洽道豐騰華納祐握珍光之淳全馨景烈其
彌茂

神武本乎靖綏鞬譯艘而奔轅榮鏡無外歌前舞後
蓋陸讐水慄而奉丕天之大律者咸洞寰而治宙然
而獠貉獮豸雖懾以長紆巨鉞而蠢不忘夫騰蹶也

蚰螻蟻蚌非極之掘堞清壤而曹猶爭夫劍璫也伊
促浸之小醜敢犯

命而內抗部駢衍夫氏僂儀裕久而悖常騁習俗之
注錯旁佻離夫圻量巴夷七姓蘭峒九羌莫不畏之
如灼黥而賤之猶逐倭奮討則愓慨稽誅則攫攘眇
茲趨拉蛩負鴟張釋毒痛而婚媾類釐孳相頡頏襲
滅恭順咄咄鄉鄉振我錚鐸是用大創聞之王者握
元模而運天權將以誅不寧之侯伐不庭之國蕞爾

兩酋如測水以牛蹏之涔度山以苓堙之塙郊不足以壚而保不足以洫顧必揚四征九伐之威運五行十守之力積月屢歲縣幾不革者豈不以纂絕崑批陸開逕塞犯盾緩岑雲霾薜踣是猶句枉結縷非鋟胡匣戟之所能除蟻垤魑穴非武衝扶胥之所能卽也懷之而不嘔嘔怒之而不抑抑恕之以陂倭之性期之以傳噉之臆然猶夷固僻違叨怵殘賊則豈鑿齒必不殲於疇華之野而封豨終免戮於桑林之域

哉

天子於是赫然震怒定策受成選校命將斤斤斲斲
箕張二翼雷奮五兵巴朗夷而達圍滅資哩掃而美
諾平緬羆逸翼封狼就刑

皇威霍其大達批功噶以進征賊星未殞軍實偶撓
右甄堅而岳峙命專鉞而擁旄桓桓定西秉畧

神聖審高深於地維決奇資於天勝中黃育獲機駭
電應分道選鋒互爲奇正大格曾頭之兀婁南壩封

礪之聯巨鉏之鋤之以莫不定蓋不旬日而復收趙
拉之境百戰殪寇指不勝詳頌

皇辭之烏奕繹崇碑於膠庠敬依比夫事緯之先後
以拊本而引綱焉若夫谷噶西路戕戕嶙嶙伏旌韞
於嶼岫雪蠶軼其若神崖戔谷戔風雷震震雹轟礫
擊墜不暇奔血潰成霹靂飛格塵時則勦拉窠躡馬
尼穴卡卡角而掉鞅屨庚特額而列轡竅窕鑿突搏
援攫肆審錯規慮發無不逮然而絨布左回南路屏

蔽阻同宜喜騁騫罔計於是西路之師克羅博瓦五
隊踰垠蘿攀木拯犯礪石而不擊待衝近以相措殘
脂墜脗歎山欲野岡下溯普列礪以三熾熾燬於嶠
屹摧中堅如敗讎彼引木以牒石我足躋而手拊穹
步激礪焱焱炎炎遂開圍而猶伏乃左挽而右攙負
鎬埋谷醢刃貫脰斃厥甲首糝若脰臄則有喇穆在
後徑亘啣嘈俚謀搏總候徼支繚惟闕防於西北巔
絕峙夫兩礪捫頽珏交葭蒙前崖後廬肌負猷扛萬

足奎踳籀月趨風拊突門而直上咸抹顙而猝勾披
霧襲零撼幽搏空踴跌碎折燃卬熾烽日則了口踰
險梯衝賊乃興奔麋之朽膏鱗鼉免于鴻罌獻軍社
以脅閱諱提積而不容師僨僨而彌奮規地機於

帝聰越凱立葉之陁阻陸默格爾之崕從士皆鷁擊
而蚺應僊若掇蝨而撥麤也險恃兔窟有康薩爾枚
列三行越塹靡壘轅仰塗而擊擲抗角距而未破據
庠廂以覆身乃匿肱而見蹄疾鍛先霆人與石靡塞

害壅邨三碕畢毀木思工嚙胥剗其窟遵巖陁而下
摧眎勒圍乃在錡伊絨布之鉦鐸旣合力于宜喜下
甲索與得楞迤山椒而直指谷各撒撒嶙嶭硤硤闢
笥門而列櫺守笠居而築堦奮句卒以撞挹火輜紛
而環起維日旁之崇山屯石包之蜂窠梯阻獬狽徑
絕虹蟻挖陘批幽銜縻潛軌祕響叢篁攝影昏晷踣
嶮嶮而上騰襲豺獍以後倚陴截奔蹏風零斷趾礧
魂瞿瞿絳木縈融沙壩阻而鷹睥欲奮援而旋跬跨

谷彌阜投戈淮弛蓋木鉤而樵抱甕而汲者胥貫膺
屬腸而陵藉乎五十餘里趁輝犂獮拔額爾替伊石
真噶雕悍狼噬刃劒狂趨塗開險盤覆赤爾塞于厓
墳趾沙爾泥于河溼氣震川騰汨活澎湃方斯時也
兩軍夾河駢駢彤彤如鞆與鞆均和節同或攢鎗以
旁拒或撻鐃而反攻宛鉅鐵鉅慘如薨蜂望絕沙火
逃爭磧蓬積雪儵其巋截臨洪川而作峯濤飛木颯
聞聲怔忡械筏朝失飛絙夕窮奔溺萬指肉漬波融

蓋已旌摩乎噶爾丹寺而劍及乎遜克爾宗亞斯以
往峭陁鬱紆拉枯下峙而列埒昆色上聳而連嶺如
戶有憐如枅輳櫨將欲掄畢乎呢闌之隙攫搏乎厓
房之區非隱堙防而設覆梯林簫而跼虛仰掣俯擊
神扶電扶其何能翦狂獮于金沔墜枉矢于地廬哉
菑則大海餘氛旣息曄曄嘖嘖奮力固位獸蛩禽櫓
失其劣崩且夫勒圍據大渡之極源環塘嶸以涸沔
界托古魯之交岔倚隆斯得而奮翼經樓坵其南冷

角刈其北渠蟾虎落天羅地棘赤莖青羽聯翩羅繹
本未極乎蕭楮之原又何虞乎游闕之迹一旦薄伐
肘不掩掖騰礲石於列庖似熤燿之廢燹水可輯而
絕杭山有廬而莫匿狶獫獫以憎懷夔魑叵晞而
憐惻則豈非陶誕笑盜之靡可原而矯斯憖收之用
是亟歟是月也獮誓畢表貉祠

華轍蹕塞射殪狂犀威靈紛紜旭旭嘻嘻馳桃關而
申捷圓璧湛其澄輝感招拒之金德抗

王鈇而必夷天人合發廓是

鴻規襟要約之險阻指西里以綰枹築篋籬于遮街
衆犯險而不渝迺燂薪而焚木焚盥戶之黼黻燼燼
炔炔燿燿燂膚脂流自灼骼不及枯膚空鹿毀燿煤
燭邠士氣赳赳奮擄科布翼前距後司間審慮憍悍
虓豁所向悽遽劇蠡斯披棄甲空戍索隆邈迤一蹶
而仆溯蚺蟪之奮張恃呪師以爲固奉雍中與舍齊
扼內垠之門戶何雲微而席卷竟惛惛而莫詛耀星

弧于九天抵噉依而環注越河而西殼騎繁驚勦阿
爾古而鋒膏瞰獨古木而輻赴開道乃當甲雜旁附
氣踢蹴乎獨松聲雷碾而東渡抗馬邦之戈鉞通南
北之輦互據四會以圍巢賊俱蛩平安措於是乘距
堙處軍輯緝蒺藜環杯杙鐻錐列鑽句鉞剡鐔焮焮
倏倏而外屯飛蜚平題參連鳴嗚颼颼紛紛而旁激
努臺屹以外睨壕橋通而中逼焚甕城與團樓窮嬰
冥於地防是已蹈其腹而剗其腸乃今俟俟渠渠而

不知所息厥室倓逃荆諸糾纏爰踉蹌以就誅奉綱
綬而涕拭縛黎飴于鋌餘繫媼嫠于輜側鳩骨肉之
蟬恒望質鉄而色墨肱於沙而思水徒慙慙而罔得
也觸於罍而修聽祇恣恣而滋惑也神怒孽氛將奉
天德圍坑斥之駢田聚窳後而壹克練吉日謁
橋山溯遶鑠於

烈祖用嘉薦夫瓚漿神靈期會捷至臚懽稽上陵於
漢典咨民事於神軒彼馨告夫常度孰能方乎

聖武之遠殫

禋崇躋岱輦掖

大安陳芬

闕里醇美譽然文種武植

聖心以宣

龍輶廻乎東封赤羽旋於西徼類

帝告功封壇植旒臚五等以升成肅三行而面表饒
吹凝會旌幄窅窅擁鐸拱稽霞煜星標吳旂魯敝綬

紛拂標

天子用是嘉決勝於提賁勞殊勤於橫草統協祐之
鴻謨曰欽承於

靈界申尉律息師徒司儀侍司士趨肅

廟

社以獻凱

莅魏闕而受俘華蓋承辰弧旌燭輿靽衣韎韐赫戲
騃瞿彼夫吟鳴叱咤惟淖潑漬汚莫識輝烈之光燭故

甘剗骨而剗膚膏鏹鎮以明罰悚僑泄之必誅鏘鏘
列列延光照寓稱隆

姒姜均禧九土圖麒麟而霞芬襲洪輝於圭組被
融祉之函蒙奉

鴻施之蕃詔信緯遠而登祥咸滋熙而圉煦欽勒崇
於

睿文中外廸乎

茂矩銷矜刃爲鑑鏤總萬嗣而偃武臣備員禮官述

喬是司伏覩乎

皇上德寓天覆絜晏博被苟面內其必恤克濯盥而
不疑譬髡屯之犁牛猶決鼻其在羈矧夫萬萬而屯
億億而興誠戈指而踵企將翼之於大寧惟亶路以
怙逆豈平典所復矜一蚋蟥膚桀桀至旦負固勃亂
小不可翫始倚契而司詐終隴種而墮斷炎曦甄耀
皦陽窳窳之孽潛懸象軌度絀流旬始之精散侯其
禕而光舄繹乎寰甸已仁以爲守義以爲行放準循

繩達昏開明蔽元辜而

法敕運師術於隆平撫縛細而覆露震愾漠而聳誠
萬國元靜泰柄握衡夫寧惟是推揜揜而攻揭揭而
同於廣斥勤遠之用兵哉

平定兩金川賦

謹序

戴心亨

臣伏惟蜀之外徼爲九姓土司趨拉促浸種出
吐蕃向受印服屬戊辰以滋擾邊境

天子命師討之乞降獲

宥振旅凱旋是金川殘喘之息皆沐

聖主矜全之仁固宜向化革心罔敢或貳乃未及二
紀復作不靖僧格桑首禍於前索諾木濟惡於
後構怨番夷抗拒

王旅蠶茲小醜誠自外於覆載不自殲厥類不止於
是

天子乃弗獲已而用兵自始事以至歲功凡閱五年
歷百餘戰

神機獨斷授策無遺乃掃穴擒渠罪人斯得書曰兼
弱攻昧取亂侮亡征不庭也詩曰矯矯虎臣在
泮獻囚歌武成也

皇上代

天中討守在四夷功成而

聖不居事定而

文不伐爰展謁

兩陵告成

闕里登岱以祝

慈籛歸善而崇

徽號行慶施惠禔福中外考之往籍蓋蔑如焉

臣叨

廁詞館幸得颺言謹拜手稽首而獻賦曰

聖主握乾符闡坤珍羣金柱於四維調玉儀於八垠
保合則萬彙咸育

懷柔則九譯來賓朔雪炎風之域罄首鐻耳之倫莫
不踵三官而納賚共甄陶於

洪鈞然而霜雪不施則雨露不知其春雷電不奮則
勾萌不見其仁是以黃帝有涿鹿之戰周王有獫狁
之師逖稽往績振古于茲

皇上張威弧建赤旗定回部平伊犁兜題縛而疏勒

服吐谷擒而洮河漸赫赫烈烈蕩蕩巍巍彼通牂牁
而開越嶲將焉足以語於斯今夫華陽之域井鬼之
墟岷江黑水爲之絡峨嵋熊耳爲之間山嶽業以黝
黛水滴汨以縈紆指

帝京而萬里僻天南之一隅爾乃邛瀘之屬九姓之
司錯以犬牙列如布碁其獷也則猿父獬子不衣冠
而通言語其馴也則轅犢橈馬仰芻秣而受罽羈故
其伏也七旬而有苗以格其跳也三年而鬼方始夷

粵戊辰之興師緊促浸之不靖奮九伐於蠶叢懾
天威於梟獍獸觸網而銜哀鳥絹絲而乞命乍烟清
而霧消豁天開而日映旣弗翦夫克巢或終馴乎野
性奚乃狐鼠之智久則生奸豺狼之族聚而逞往昔
游魂於釜底等渴轍之枯鱗辜再造之

洪慈竟反噬而遺蠹方其與革布什咱構釁也鉤牙
鋸爪引喙張嗉傍水含沙依林吐霧及其與綽斯甲
布爲敵也蟻鬪穴而不已蜂爭房而若驚狼已死而

生驅虎負險而岨固趨拉桀黠鄂什是凌如蚊如蚋
如蜩如蠅溝入地而可度壁繞天而竟升始焉與促
浸爲仇則睢睢盱盱如孽枿之苞毒繼乃與索諾木
爲媾則他他藉藉若螳螂之添肱廩君之男婦七千
看蟲飛而虎化蚩尤之弟昆八百迺蛩負而墜憑是
宜翦之刺之火之拉之庶百傲而一懲且夫昔之冉
駝今之茂州也今之雜谷昔之無憂也松潘之會漢
土之交蹲鴟所伏沃土肥饒有蜀將之戰壘倚七盤

而跨橋彼虜中之謠中繫誰何而教猱知逆酋之覬
覷將自覆其窟巢於是

帝赫斯怒霆震電烈藐蕞爾之么膺屢偕

愬而煽孽忘

湯網之寬宏罹

天戈之勦滅蓋自莎羅奔面縛而後耶卡反側以來
遲之久而後發遲之又久而後決是故如風如雨如
火如荼前茅載貔貅以啟塗中權儼鳬藻以舒翼後

勁練熊羆以徐驅煌煌橐鞬授虎符也扈扈甲帳彌
天弧也轟轟列缺神礮施而草木屠也攘攘壺漿大
鼓鳴而蟄蟲蘇也五營之士七萃之徒旌旗相望刁
斗傳呼莫不激昂磨盾慷慨執殳遂乃梁沫水輶桃
關度昔嶺踰岷山轉餉則厯乎秦隴邛徠爲車爲馱
固不騷而不煩也調旅則及乎巴閬滇黔有鈴有轄
復弗驚而弗辱也若乃猩猩啼烟哀猿嘯壑溪瘴癘
林蠻氛暗鐔將軍據鞍以指麾士馬繼崖而騰躍萬

里飛星

九重授畧或宜撒而宜屯或宜梯而宜鑿或宜正而
宜奇或宜止而宜作或宜偵而宜邏或宜火而宜斫
或扼背而攻心或掩脛而斷絡風颺起而一札馳賞
賚數而三軍樂巴朗破達圉傾資哩克美諾平燦焰
駭天以焦灼鉦鼓殷地以弇冑穴則洗而老羆械孽
則竄而陰狼蹙蠢旣姻而旣媾迺如弟而如兄彼逋
逃之淵藪竟肆抗我

天兵然後整旅移屯申律簡卒健銳火器之標捷吉
林索倫之操刺義憤填胸裂眚豎髮壓羅博摧溯普
遜克宗之一鼓而拔也度喇穆截當噶默克爾之間
道而奪也而後日旁據石真越昆色塌拉枯刺草赧
林緋峯開路豁馬如豆以銜枚士附蟻而裹旄蓋以
仲秋之望攻勒烏圍而取其窟然而黠鼠善藏妖狐
能呪旣脣亡而齒寒猶處困而欲鬪依密箐之蒙翳
擁怒騰於殼殼無何科布倒索隆卷則羽翼翦而諸

路湊也雍中搗舍齊焚則門戶失而形勢授也體居
高而建瓴采入阻而築堠期滅此以朝食鼓勁卒以
騰蹂何二千之醜類若螽聚於荒垓稽四旬以支吾
尚怒臂而拒轍迨乎水斷陸絕地羅天畢兵盡食匱
技窮力竭乃攜老而挈幼始捧印而屈膝惟噉喇依
之弱平馳露布於

鑾蹕時維春仲風和日融

翠華望幸瞻言徂東謁

橋陵以昭告遂旅祭於岱宗築郊臺而

親勞爰獻凱於泮宮於皇偉績豐碣穹窿仰

神武之懾乎遐邇而

聖德之抱乎淵冲曰若稽古銘勲鏤庸巴渝舞輶道
通禿髮歸命鶻隄率從雖並列於韞象烏足擬今日
之

庸公敬效夫皇夏之頌紀四海之同風

皇上七旬萬壽賦

紀昀

瀨瀨大圓瑤樞中旋穆化精以恒運煒法象以常懸
斟元立極惟聖憲天體健行而不息用無逸以永年
久道有成弗祿亦繇此三皇紀歲所以萬八千也我
皇上四十五年誕膺寶祚積

洪算於七旬彌精明而強固雖宵旰之勤劬難罄
於平素茲朱夏之長贏宣

奎章於啟路導七萃而修獮尙飛黃之

親御卽萬目之所共瞻者福備康寧已迥軼乎恒度
蓋

上帝之眷顧我

清也粹涵太極祥兆天端徇齊敦敏篤錫

黃軒俾茂豫乎四和而景命洪延我

皇上承

啟佑統埏埴履盛陽之昌熾運釀化以陶甄

膺圖踐祚則象合乎出震

建元紀號則義取乎純乾神符靈契蓋不偶然是以
德與

天合政以

躬先

皇綱振衆志虔肅百度飭六官勤求乎上理警戒乎
晏安恒久不已果確無難日新富有業懋於前緝熙
單心之學非歌頌所能宣明作有爲之治亦非記載
所能殫闕以管者烏識圓穹之運七政酌以蠡者烏

知大瀛之納百川然而陰陽溥育莫測所極日月貞
明或闕於隙化良躋於無名道不遺於含識故鳥賡
獸舞能應節於虞韶壤叟衢童亦叶歌於堯德況赤
縣之近

光與

彤庭之備職溯曩昔之見聞寧弗得一二於萬億維
我

皇上之龍飛也

臣

年十二始來玉京不識不知游泳

太平時側聆於耆舊頌

新化之勵精萬物嘒嘒竚三五之咸登也癸亥以後
臣游於饗聞

臨視乎棘院兼燕資於槐廳膠庠髦士相與歌

文治之昌明焉丁卯以後預歌鹿鳴聞冉駹之戡定
戢卽管而抗棱公車計吏相與頌

武義之綏寧焉甲戌以後珥筆西清值九伐之

鴻烈揚萬里之

天聲收伊犁則夙沙自潰熱蒲海之鯢鯨摧面部則
崑尤迅翦掃蔥嶺之櫟槍凡三戰而三克亦再燭而
再平月蝕秣馬濛汜洗兵水溜陸慄風動悉聽匪直
大宛勃律鱗集而屏營卽烏孫別種隔數萬程丙子
之歲臣見其貢白環而遐征辛卯之歲又見其款紫
塞而歸誠頌

威弧之震疊咸得效夫歌賡迫乎巴蛇肆暴因壘揚
旌右桎貳負組繫九關玄靖坤維而砥屬澄井絡而光

晶桃關通道汶山勒銘於鑠

鴻績駕炎昊而莫我齊衡亦孰非

天樞獨握惟斷克成議不撓於築室績乃奏於犁庭

歟至於

臣在

講幄恭書

聖政

臣

在綸閣敬司

詔命仰

駿烈之維昭際

昌期之極盛

堯齡久邇乎綺甲

舜治益彰乎金鏡記

起居則一動一言識

皇心之執競宣

批答則一俞一咈均

天裁之自定信獨奮夫乾綱

親操持平魁柄別有東壁圖書西崑典籍七畧駢羅

九流條析西陽宛委之所秘藏劉向荀勗之所未覲
三閣列貯十餘萬冊寫官不輟其筆札正字勤讎乎
朱墨燃藜不遑掃葉猶積我

皇上敕幾有萬釐工惟百恒

問夜於未央或

披牘於旣昃鴻綱細目一一密運其區畫長駕遠馭
事事謹持其銜策尙憶

臣

賜環以前從軍西域玉門陽關百有餘驛稽奏章之

往還期不踰乎晷刻究形勢之曲折宛

九重所目擊知

聖慮之周詳統洪纖而綜覈

乙夜觀書蓋以餘力然而考證形聲研究訓釋校理
或誤於金根

鑒照無遺於玉尺若夫昭衮鉞辨玉石分判權衡精
微抉摘凡甲乙之次第均

睿思所別擇石渠儒臣不過執緝錄之末役視虎觀

之稱制實掩軼乎前迹斯尤七八載來臣以樛材濫
竽館職得仰窺而深悉者矣然則

聖圖悠遠闢久如初定乎志者先立得乎天者獨殊
神明剛健足綿萬載而有餘經緯周密乃闢一息而
靡渝動而愈有與元氣俱純亦不巳與造化符偕儀
璣而恒照理自然其不誣徒見夫山陬海澨方趾圓
顙祝頌溢乎函夏歌舞交於康衢雖

沖懷謙挹卻抑弗居而抱躋堂稱觥之願者沛乎如

衆流之赴紫解燦乎如列星之拱丹樞乃至梵天佛
國妙闡意珠闢靈鷲以西峙驂香象以東趨祝無量
之

曼壽亦涉震旦之長途祥源衍溢歡心和會爲亘古
之所無寧知

縣算之錫羨原諸

帝緯之勤圖福曰自求義徵乎周雅極曰皇建理聞
乎洛書帝媿臣唐享國久遠其省成慎憲可證驗於

典謨况我

皇上德崇彌劭永保宏模自今以往億萬斯年

聖敬日躋無間於須臾亦億萬斯年

佑命申錫斂福而用敷

一人眉壽三靈樂胥春祺溥博協氣怡愉永永至於
無極歲歲效其嵩呼應圖緯者何止

帝期之驗五老被管絃者又何止

天保之陳九如也哉

迎

鑾賦

趙懷玉

皇帝四十有五載德日耀野威星景方信風條而壤
綠仁雲展而霄黃於是朔暨烏藉炎訖狼脰川靜鯁
壑陸洽龍鄉黑質白章叶樂趨蹌丹翎翠吭與化翺
翔蓋

恩覃平四世故慶極乎八荒太史方諏吉舉五巡之
禮僚庶正獻歲進

萬年之觴而

聖心淵然以靜穆然以神陳經於上日祈穀於初辛
沛

恩言於輪廣止慶禮於臣鄰既紹衣夫

前烈用敷錫厥庶民則天之大師地之均配日之令
象時之仁順斗杓之東指陳

法駕於初春畿淀周遮郊垞始花禽飛山藻鱗動川

華

帝車運而不息羽衛寂而無譁登黃圖於衽席豐赤
縣之桑麻越青齊之岡阜臻淮泗之津涯

天子乃俄玉軼駐文駟駕凌雲之寶鷁乘泛日之仙
槎草滋兮露渥萍散兮星斜維揚大州會稽古郡屏
展帆遙林長騎迅川增媚以如迎嶽戴高而加峻百
卉荷夫祥薰千林榮其渰潤章亥之所測推職方之
所封濬合越堦與吳垠仰
乾行而震奮我

皇上之勤政也令頒之甲夜觀於乙因庶司以覈綜
昭三載之陟黜健無毛鷺之虞循眇達脆之失微賁
者予之銜亮工者增其秩遍臣法與臣廉始左列及
右列咸稟

一人之謨以成百職之述而

皇上之惠民也熙耕鑿占杏榆偶偏災之所及捐數
郡之所輸下方舟於楚甸給歲食於全吳而又煥
綸綽下閭閻戒纂組薄雕鏤表百年之綽楔優三老

之縑繻揭雞竿而日麗清狴戶而草專風皆溫於挾
縑化實美於斟酌是以丁男亥老方趾圓顙鳥跖魚
頤蛾伏鳧趨冠朱纓而舞抃釋黛耜而歡臚若乃舉
崇祈之典稱秩望之儀考庠縣之樂肄升間之詞或
黍茅之

親莅或籩豆之分司嵩效呼而授策川浮圖而叶期
神奕奕以祇肅靈煌煌以慕思凡穹祇之昭列悉炳
燭而靡遺維

清緝熙咸三五之治維

聖躋敬邁八九之儀至於聲韜鐸同服弭魚麗陳鶴
羣齒介天塹之汪洋鏡海門之渺瀰集蜀艇與越舫
亘吳頭與楚尾萬里之甲輝潮五石之弓射水或競
雄於鯨鱷或敵銳於犀兕方雲雷之震闐倏江天之
澄美詰戎之制斯存握奇之法詎擬自朔而南先河
後海或剔或襲旣瀦旣滙洵宣房之各宜實
咨儆之攸在欣二水之朝宗驗百川之津逮彼鱗臣

與介伯奉要束而無改蘭橈旣施桂楫咸待烏衡五色之珠颿挂八葉之彩嘉奧府之安瀾緬成功於歷載

省方之禮旣展籲俊之典聿修已廣珊瑚之綱復勤棧樸之標材有期於序進器無俟乎巖搜靡不獻醴泉之頌效翔鳳之謳

星宮闢而給札

雲幄啟而瞻旂類飾磨而淬厲用擢異而升尤

皇襟暢而春景融

宸賞屬而

天章富騰墨瀋於烟雲燦筆花於苑囿韻疊疊以抽
新言炎炎而疊舊磨厓鏤石則鼃采升華截竹鳴絲
則靈潮答奏蘊含乎孔思周情超軼乎湯馳禹驟蓋
自發

禁籞返

神京觀乎曲江之濤緬乎鍾山之英周乎房心之建

厯乎斗牛之擗其展義也則攝提次遷其歲事也則
恢台氣盈周三千里

巡行之路慰十五年翹企之誠需雲被萑甘雨抽萌
苞符斯協瑞應駢呈洽有壬之百禮潤孚甲之羣生
溷膠庠之下士慚蟲鳥之先鳴仰

延洪而知喜詠

至德以無名蓋三衢所以祝

聖人之壽而六符於以頌泰階之平

聖駕東巡恭謁

祖陵賦

謹序

畢沅

維

皇帝御極四十有八載敬

天尊

祖格神誠民治具畢張四表光被仰惟

列聖東土肇基凝庥篤祐下暨

陪京臣庶延頸跂踵喁喁望幸之誠爰飭所司備

法駕時巡

盛京展敬

三陵復由山海關廻

鑾祇謁

東陵以抒誠孝禮也維夏五月炎歊載途大雨時行

潯淖罔備

皇上軫念從官

特降諭旨駐

蹕灤河避暑山莊俟秋序方中

乘輿迺發時則中外絜齋小心翼翼經罔鬱之崇勝
厯原隰之沃衍蒙古朝鮮外藩諸部懷柔震疊
會同有繹祭之日禮樂備舉幽明氣通百靈來
朝萬福孔有大禮旣洽推

恩錫類舊京父老汜百辟多士咸與宴賚祈祝歡訝
殷動六幕竊惟詩頌發祥書陳觀德自昔豐功
駿烈莫不推本前徽如軒轅橋山顓頊附禺伊

耆穀林文命會稽並集慶垂庥永存景慕矧我
國家祥原慶本所在奕葉重光

皇上宣祐承釐明明穆穆倘無以藻被金石諷動聽

眎亦文苑之闕佚也

臣

職忝封圻未得上塵陪

扈恭預駿奔之列而舊隸史職允宜綜述綴綴

樹聲長世爰不自揆輒竭志意依古作賦頌一

篇以窺測天海於萬一謹拜手稽首以獻

大清肇業克配彼

天受命不顯有開必先溯祥徵於瑞牒表長白之高
山去天二百潭曰闔門歎混同而飲鴨綠爰暨愛渚
三江出焉天一儲精實生帝女誕降

原皇亶我

興祖

景祖

顯祖介繩

帝武篤祐

皇清文頤續編

卷四

賦

三

高皇者定六字

太宗繼之開萬萬古於是我

世祖紹景運乘九乾一周京而作宅定夏鼎於幽燕
泝雲雷於草昧懷創造之艱難仍國之舊

陪京奠焉欽若

聖祖離明重宣守成兼創緝熙以覃覲耿光於

列聖識王業所由先駕六飛於遼瀋緬三至而加勤

世宗續業百度維新日不暇給劬我康田我

皇膺命受福孔延三階篤慶紹聞迪前儼美牆兮放
悲瞻堂構兮安敦永夙夜於後啟凜陟降乎

前寧者蓋四十八年於茲矣尊

祖敬

宗達乎穹昊時以郊祀

天

地歲則祇謁

陵

廟精誠躬躬焉奕普淖沐露淒霜感應天道迺覲羣
僚廣沛

德音宗伯議禮天官撰辰敷方神使護野兮屬俞騎
以梁津戒翕箕以汎道兮召抃畢而彗塵於時皇達
瀾迺天街艷謐神光禺禺游景燁燁揚四騏之方攘
立九旂之燁迺鞠招搖使東行指角木乎解解總總
搏搏翕翕習習蓋猶未屆乎上都也爰以祝融司方
炎曦甫近歛烝鬱冥洪霖易汎紆軫從官車馬瀕瀕

近郊四百瀨陽是幸

天子迺止乎清暑之宮夫其爲地也包乾度界興桓
沈瀝中貫錡靡四環卉木繚纒陽烏却死

仁皇闢之以恢景員準紫宮而營室景六六其後先
每按歲而駐

蹕待秋獮乎上蘭我

皇繼

天立極怙昌函夏稽虞箴挖周雅憲哀時辨方野優

靈衣之在御儼神保之式憑度九筵於重屋標禁扁
於紀

恩其羽六提其軍三單歲歲莅止不皇處安迺

御勤政萬幾是殫然夜亮之貞木炳報章乎朱丹宛
霞綳之熠燿規模邈於豐垣爾迺金行應候觜觿旦
中太史氏執筴以上告曰畢昴之分天苑所崇老人
星見於其下綠圖推演占曰壽昌於是設九賓御
行殿王夏陳精茂絢裨王大長鑲耳左言執其壤地

謁祝

聖壽者數萬以二計猶有羨斯時也天高候肅嶽木
扶疏龍沙露白雁磧霜羆伊尼孳尾撲握膺膚四十
九旗獻其虎驅控弦突騎共爲前驅

皇帝曰都詰戎肄武蓋余懷之永圖惟久弗見於
祖考朕躬有懷焉余其率先有事名王甄部庶其攻
駒剽卒各常厥居於是躡邊月御朔風披林薄撤蒙
茸大漠流晶圓鹽蓋穹威呼法喇乘鹿奔熊仰金輪

於翠堵攬玉瀑之飛淙徑科爾沁而弭節兮議屏藩
之大同渡蘇克素以先驅兮溯芮鞠之遺蹤是時
大駕迺至乎

興京望祭於溫德亨山爾迺率嶠嶢馮隆槃曲天
關虎豹神守不毒

列祖憑焉

永陵式倬肇我民之初生示景命之有俶風雨以之
和會日月以之炳煜氣佳哉蔥蔥鬱鬱宛應龍之在

霄挾王氣以成霽迺詣

福陵穆維

太祖日在天中環甲十三以清晦雲圖倫棟鄂九部
甫通雪爾明兵廿萬來攻緬手麾夫黃鉞啟天表之
大風召威神以佐命先額都與英東馭萬馬於一控
壯風虎而雲龍尅時五日王基是崇瀋陽遼陽以次
會同爰宅斯土用建法宮曾孫來止式是續我迺詣
昭陵欽若

太宗文武兩大龍顏錦衣長弓大箭東鞭驪蒙西斥
諸夏朝覲謳歌底定天下控大白與小白並大乙之
天馬瞻立仗於

元官似長嘶而汗赭蹙松杏之兩山駭地天於駸駸
聿求厥寧官制議可奮武揆文熙績朝野騎射冠服
舊章勿墮

大訓皇皇守在宗祏精誠旣浹來許昭茲元祀維稱
百禮孔時雕戈郅揭翠蓋綬蕤星冠峩岐袞服煌煌

大樂中東方之籙守器設文孫之彝佐觚觶之主贊
和泔淡之秬秠北戒致呦呦之鹿東溟供發發之鰭
渺德產之聿晉達君蒿以愴悽於是

皇上神合於漠氣清於旦目想神留上下交贊奏鸞
刀於既登奉雞彝於將裸若扶持其後先煥耳目之
有見佇廣開兮天門爛其乘兮白雲御靈風兮繽紛
欣來止兮降監吐金景兮氤氲煥其炳兮龍文倏森
舉兮沖天委繁祉兮如山皇皇禮成穆穆義展羣機

載洽式穀斯戩報地靈所自鍾遡天潢之由衍申

翼命於太常秩玉幣以無腆禋於六宗望於山川諸

侯三公所視維虔樵烝昆上配黎四延碩麟含輝黃

龍吐難大雲五色似烟非烟天柱隆業之山如聞響

應錫

聖祚於萬年鴻祐篤焉大孝備矣迺望邠岐

皇都密邇環涂所經金墉萬雉霞起輦飛聿新舊吐

天子迺頓六駕遵九衢徑方軌細

宸居土會殷濯沃野祁祁神景耀原肅雍安趨瞻我
雙闕文德武功御迺正殿崇政建中謨謨周親濟濟
臣工趨墀近日伏陛呼嵩爰

命守官陳我宗器我

太祖鹿角爲椅七寶不御八叉是倚想芟舍於山林
厲桃弧與棘矢旋角逐乎中原得大首而虎視維我
太宗甲冑弓矢北宮烏獲負而汗悸瞻

天人之威儀驚戶牖以真氣作大漠之風雲仰一戎

之卽敘緬想英烈武功式宣下規岐陽上法阪泉烝
徒匪棘子弟是嫻淩河之馬繡嶺之韃星霜鎧甲雷
電戈鋌變出奇正體合方圓繩連柳插二十邊門川
奔岳立千里中間武畧旣昭誕敷文德秘閣斯崇鴻
文載錫爰

命儒

臣

先期被飭取多用宏經史子集色按春秋籤

排甲乙

佩文淵鑑稽古是式教我胄子朝考夕習佇見奎光

耀此東壁

皇帝迺御端闈以臨以觀經緯秩秩如星在垣鴻臚
發唱鷺序以班自王公卿尹扈從之臣下逮凡百執
事莘莘綦綦下舞上歌蹈德咏仁然後鼗鼓殷雷華
鐘發鯨孤竹間奏空桑和鳴沛宮父老旣順迺宣南
陽故舊俾几俾筵於焉歛邠稼穡艱難稱兕獻羔眉
壽祝焉於焉歌雅廬旅語言山桑匏豕君宗頌焉於
斯時也雷解風升雲需雨渙俟福貞貞上下交贊

洋洋乎忭懽紛紜乎畿甸五鍾暢音百僚告散

天子觀臣庶之悅豫覽福應之殷昌仰維

祖烈雍容揄揚曰上都立極肇域四方三京鞏峙九
邊重防此我

列祖所爲作菑屏翳拓土而開疆也曰穹樓半漢
寶訓是儲式茲謨典重越球圖此我

列祖所爲陳常率育闡珍而握符也曰百辟卿士濟
濟蹌蹌東殲西劉釐瓚奉璋之綱之紀率由舊章此

我

列祖之所譽髦而思皇也曰羣黎百姓總總林林泠
風清吹火耨水耕千倉萬箱大糇是承此我

列祖之所惠康而牧寧也曰駟駟牡馬在坰之野曰
猗與漆沮潛有多魚此我

列祖儲仁裕惠澤被周法用以敬隆乎乾豆而蕃息
乎牧圉也曰小球大球爲下國綴旒曰小共大共爲
下國駿厯此我

列祖推心置腹懷柔大東用以戢其民人而不盡其
土壤也有馮有翼載錫之光

皇上於是泊乎無爲愷乎樂康譜舜薰於揮桐聽堯
仁於擊壤猶復治益求治宵旰之不遑也迺齋九扈
羨四岳豐茂世之規邕洪懿之福沈珠於淵捐金於
谷崇衣食之大原勵耕桑於舊服公畚私畝何以足
之五風十雨何以下之胡考之寧何以穀之曾孫之
醴何以蓄之用使溥將殷土庶繁周俗君子小人賢

賢親親樂樂利利不忘前王於既沒者所謂合禹國之懽心以事先王通於神明光於九域者也

帝者雖勞又烏可以已乎哉然後六師警

蹕自東啟行車攻馬同充斥郊坰亨衢所屆九軌載經

寶城奠焉

祖宗式憑溯衣冠於月出感霜露於秋零雖展謁之典歲修而愾見之志彌貞首塗爰發嚴關亘橫俯臨

卷四
四
澄海烟澹波平樽桑隱映炙轂上征飛文揚光景耀
東陵殷禮既奏返旆

帝京神人允假大祀慶成彼夫景員松柏藻歌商楹
高山漆沮騰聲周錄土風之厚以歸世祚之昌其卜
蓋猶遠邇我

皇感應天人兼包亨育雲雷煥其經綸風雨傳夫櫛
沐於以爲四方之綱於以篤萬年之福
小臣職在疆圉
圻莫由扈從敢溯

皇庥儼於幽頌頌曰

高山天作象昆侖兮感生

列祖出乘乾兮

聖以紹

聖靈在天兮我

皇繼序福孔延兮重熙累洽下武宣兮聿追來孝於
東巡兮象瞻窆室龍望軒兮備物盡志愛懋存兮維
靈式歆翔吉雲兮齋房靈芝揚烈芬兮元祉下畀澤

暨昆兮

孝熙錫類於萬年兮